

QUINTA CONVOCATORIA DE PROXECTOS DE INNOVACIÓN EDUCATIVA

*A integración do sistema universitario español no Espazo Europeo de Educación Superior require propostas concretas que desenvolvan os distintos elementos conceptuais definidos na lexislación vixente¹. A Universidade de Santiago de Compostela, consciente da importancia deste novo contexto, da necesidade de desenvolver estratexias innovadoras de mellora na calidade docente e de integrar as tecnoloxías nos usos educativos, fai pública a “**Quinta Convocatoria de Proxectos de Innovación Educativa**” mediante *USC Virtual*.*

1. OBXECTIVOS

Esta Convocatoria impulsará a posta en marcha de proxectos orientados á mellora da calidade da docencia por medio da integración das tecnoloxías, canalizando aquelas iniciativas do profesorado que fomenten a innovación nos métodos docentes, que promovan propostas didácticas centradas na aprendizaxe autónoma do alumno, converxentes coa concepción da ensinanza universitaria que adopta o Sistema Europeo de Transferencia de Créditos (ECTS), así como a creación de materiais didácticos que fagan uso das tecnoloxías da información e a comunicación. Os proxectos que se presenten deben ser orixinais e non ter recibido financiamento da USC en convocatorias anteriores.

Os proxectos deben ir dirixidos a desenvolver experiencias de formación baseadas na web mediante *USC Virtual (WebCT, Weblog, etc.)* en dúas liñas de actuación diferentes:

- a) Formación regrada: primeiro, segundo ciclo e materias de nivelación.

As accións neste ámbito buscarán unha mellor integración das tecnoloxías da información e a comunicación como soporte á docencia presencial, potenciando a autoaprendizaxe e o traballo colaborativo do alumno, así como o labor tutorial do profesor diminuindo as barreiras espazo-temporais entre o alumno e o profesor.

Consideraranse accións prioritarias nesta liña de actuación, os proxectos que impliquen o desenvolvemento de materias de nivelación e de libre configuración

¹ Para máis información, www.usc.es/eees

totalmente virtuais e os cursos virtuais de habilidades curriculares básicas. Así como os proxectos que abranguen as materias troncais das titulacións.

b) Formación regrada: terceiro ciclo

Neste ámbito, a finalidade das accións será a planificación e o desenvolvemento dun programa de doutorado, promovendo a innovación e a calidade nos métodos docentes con apoio das tecnoloxías da información e a comunicación.

Nesta segunda liña de actuación consideraranse prioritarios os proxectos nos que os programas de terceiro ciclo sexan totalmente virtuais ou polo menos un 50% virtuais.

O resultado final dos proxectos deberá ser a produción dos materiais, e os procedementos necesarios para que os alumnos de terceiro ciclo e das materias regradas poidan realizar e verificar a súa aprendizaxe de xeito autónomo a través de *USC Virtual*.

2. DESTINATARIOS

Poderán presentar Proxectos de Innovación Educativa profesores individuais ou grupos de profesores da USC. Cando se trate dun grupo de profesores deberá existir un coordinador responsable do proxecto, que debe ser un profesor a tempo completo. En todo caso, entenderase que os profesores solicitantes contan con plena capacidade docente nas materias ás que afecta o proxecto, que gozan de autonomía e, no seu caso, da autorización do Departamento ou Centro para levalo a cabo. Os proxectos terán que involucrar a todos os profesores da materia. Tamén poderá solicitar a súa participación un Departamento, Facultade ou Escola, cando a índole do proxecto así o aconselle.

Nesta convocatoria consideraranse prioritarios os proxectos presentados por un curso dunha titulación, así como aqueles que sexan converxentes coa concepción da ensinanza universitaria que adopta o Sistema Europeo de Transferencia de Créditos (ECTS).

3. CRITERIOS DE VALORACIÓN DOS PROXECTOS

A selección dos proxectos realizarase conforme ás bases desta Convocatoria, tendo en conta os seguintes criterios:

Criterios Excluíntes:

- O non cumprimento dos requisitos formais.
- Que a temática non estea en consonancia coas bases desta Convocatoria e non se dirixa á mellora da calidade da docencia por medio das tecnoloxías.

- A non presentación do informe valorativo, así como dunha memoria económica dos proxectos resultantes de anos anteriores.

Criterios Valorativos:

- Que se ofrezan propostas metodolóxicas concretas que repercutan nunha maior motivación dos alumnos e favorezan a aprendizaxe autónoma e significativa.
- Que contemple no seu desenvolvemento a participación activa dos alumnos.
- Que redefinan e potencien o labor titorial e o papel do profesor/a como orientador/a da aprendizaxe dos alumnos.
- Que se fomente o traballo colaborativo do profesorado.
- A amplitude do ámbito de aplicación e o carácter interdisciplinar do proxecto.
- Que potencie o emprego daqueles recursos didácticos (audiovisuais, simulacións, etc.) que propicien unha ensinanza máis activa e motivadora.
- Que impliquen a implementación dos ECTS.
- Orixinalidade e viabilidade do proxecto.
- Coherencia do orzamento do proxecto.

4. SELECCIÓN, SEGUIMIENTO E APOIO TÉCNICO

As Vicerreitorías de Organización Académica e Profesorado, de Calidade e Terceiro Ciclo e Extensión Docente comprométese a realizar o seguimento de cada un dos proxectos seleccionados. A tal fin, constituirase unha Comisión de Selección e Seguimento da Convocatoria, presidida polo Excmo. Vicerrector de Organización Académica e Profesorado D. Cástor Méndez Paz, e formada por: D. José Raúl Canay Pazos como secretario e, D. Marcelino Agís Villaverde, D. Pedro Faraldo Roca, D. Luis Coladas Uría, D. Felipe Gago Couso, Dña. Lourdes Montero Mesa e Dña. Ana Bravo del Moral como vocais. A función da Comisión de Selección e Seguimento da presente Convocatoria será regular todo o relativo á mesma, e en particular:

Seleccionar os proxectos.

Definir os medios técnicos necesarios para apoiar cada un dos proxectos seleccionados.

Garantir o apoio ós profesores e ós servizos na utilización dos medios técnicos.

Aportarase apoio técnico para a produción do material, a formación necesaria no uso de *USC Virtual*, tanto polo que se refire á plataforma tecnolóxica WebCT como a outras aplicacións informáticas necesarias para a produción dos materiais, e aloxamento dos materiais nos servidores de *USC Virtual*.

5. FINANCIAMENTO

A partida específica dos presupostos da USC destinada a financiar a “Quinta Convocatoria de Proxectos de Innovación Educativa” é de 72.000 euros.

Para contribuír a súa efectiva realización, os Centros e Departamentos poderán colaborar ao financiamento con fondos propios.

A cantidade máxima que se poderá solicitar por proxecto será de 3.000 euros na liña de actuación A e de 6.000 euros na liña de actuación B. As cantidades concedidas poderanse dedicar a material inventariable, material funxible ou bolsas.

Se o proxecto inclúe un bolseiro para colaborar no seu desenvolvemento deberá axeitarse os seguintes criterios:

- O tempo de duración mínima da bolsa será de tres meses, e o máximo o da duración do proxecto a desenvolver.
- A contía económica das bolsas será de trescentos euros ao mes, cunha dedicación de vinte horas á semana.

6. XORNADAS DE INTERCAMBIO

Dende a Comisión de Selección e Seguimento tratarase de favorecer a comunicación e a coordinación entre os distintos proxectos. Nesta liña, no curso 2005-2006 realizarase unha xornada de intercambio de experiencias no que participarán todos os profesores integrantes dos proxectos aprobados.

7. MEMORIA E PUBLICACIÓN DOS PROXECTOS

Os coordinadores responsables dos proxectos seleccionados deberán entregar, ao rematar o curso, un informe valorativo do mesmo, no que se especifique o grao de cumprimento da actividade. Así como unha memoria económica que inclúa unha desagregación dos gastos efectuados e a copia da partida presupostaria.

As Vicerreitorías de Organización Académica e Profesorado, de Calidade e Planificación Estratéxica e de Terceiro Ciclo e Extensión Docente editarán ó final do curso 2005-2006 un texto no que se recollerán as experiencias realizadas. Para elo, cada equipo de proxecto comprometerase a elaborar, xunto a súa memoria, o capítulo para a súa edición.

8. PRESENTACIÓN E CALENDARIO DOS PROXECTOS

Os proxectos presentaranse nos impresos que se axuntan á Convocatoria como anexos, xunto cunha copia da memoria do proxecto presentado.

Segundo a índole dos proxectos e as posibilidades da súa efectiva aplicación, contémpnanse dous prazos para a súa execución:

Liña de actuación (A)

1. Curso académico 2005-2006

Liña de actuación (B)

1. Curso académico 2005-2006
2. Curso académico 2006-2007

En todo caso, en cada proxecto deberán constar os seguintes extremos:

1. Datos identificativos do/s profesor/es solicitante/s ou, no seu caso, do Departamento, facultade, escola ou instituto.
2. Materia/s (e plan de estudos ó que pertence) implicada/s no proxecto.
3. Breve memoria do proxecto, xustificativa dos seus obxectivos e viabilidade, con mención expresa dos resultados finais que se perseguen.
4. Orzamento estimado de gastos.
5. Previsión de prazos para a súa posta en marcha e execución.
6. Cando o proxecto comporte o emprego de recursos do Departamento e/ou do Centro, a solicitude deberá acompañarse da conformidade do seu Director/Decano.
7. Experiencia previa en actividades similares por parte dos solicitantes.
8. Necesidades de apoio loxístico.

Non serán necesarios os acordos do Departamento e do Centro no momento da presentación das solicitudes. No caso de que o proxecto sexa aprobado, deberá ser posteriormente ratificado polo Consello de Departamento e a Xunta de Centro.

O prazo de presentación da vixente Convocatoria é do **22 de xuño ó 15 de xullo**.

Os Proxectos deberán ser presentados nos Rexistros da Universidade ou mediante calquera dos procedementos establecidos no artigo 38.4 da Lei 30/1992 de 26 de novembro, de Réxime Xurídico das Administracións Públicas e Procedemento Administrativo Común.

Para participar nesta convocatoria é imprescindible enviar á dirección: ceta@usc.es unha copia en formato electrónico (RTF o PDF) da documentación presentada no Rexistro.

A resolución dos Proxectos aprobados farase pública por medio da web da Universidade.